

## Cijenjeni korisnici prirodnog gasa

Kao i proteklih godina i ove godine KJKP Sarajevogas želi vas podsjetiti na vaše obaveze kao korisnike prirodnog gasa. Da bismo spremno dočekali narednu sezonu grijanja, neophodno je da se rukovodite sljedećim uputama:

### RADOVI NA GASNOJ INSTALACIJI

Unutrašnja gasna instalacija je skup uređaja iza glavnog zapornog ventila do ispusta uređaja za odvod odlaznih gasova. Unutrašnja gasna instalacija je u nadležnosti vlasnika ili korisnika instalacije. Radove na unutrašnjoj gasnoj instalaciji smiju izvoditi samo Ugovorni izvođači – preduzeća koja su prošla određene komisijske provjere, sa kojima Sarajevogas ima potpisane ugovore. Popravke i dogradnje na unutrašnjoj gasnoj instalaciji nikada ne izvodite sami!

### DIMOVODNA INSTALACIJA

Korisnici prirodnog gasa koji koriste gasne aparate priključene na dimnjak, treba da znaju da su dimnjaci sastavni dio gasne instalacije. Oni imaju veoma bitan uticaj na vašu sigurnost, te sigurnost vaše okoline. Stoga, redovno angažujte ovlaštenog dimnjačara (najmanje jedanput godišnje) radi kontrole dimnjaka, ventilacionih kanala i priključnih dimovodnih cijevi. Posebno želimo istaknuti, da ugrađena PVC ili aluminijska stolarija, upotreba kuhinjske nape ili bilo kakvih drugih ventilatora utiče na rad gasnih aparata priključenih na dimnjak. Naknadna ugradnja ovih elemenata može se vršiti uz odobrenje Sarajevogasa.

### VENTILACIJA

Gasni aparati priključeni na dimnjak (sa otvorenom komorom za sagorijevanje) traže zrak iz prostorije u kojoj su smješteni. Kod ovih aparata za dovod zraka za sagorijevanje služe otvori na vratima ili zidovima. Ventilacioni otvori moraju uvijek biti otvoreni i prohodni (povremeno ih je potrebno očistiti od prašine). Ventilacioni otvori ne smiju imati mogućnost zatvaranja.

## SERVISIRANJE GASNIH APARATA

Za duži vijek trajanja i ispravan rad potrebno je gasne aparate redovno servisirati. Redovno servisiranje gasnih aparata treba obaviti prema uputama proizvođača (obično jedanput godišnje) od strane ovlaštenog serviser. Servisiranje gasnih aparata najbolje je obavljati nakon završene sezone grijanja (od 15.04. do 15.10). Radove isključivo obavlja ovlašteni serviser koji će provjeriti, očistiti i pravilno podesiti vaš gasni aparat, a za svoje radove i izdati potvrdu o ispravnosti. Samo redovnim održavanjem se mogu pravovremeno utvrditi i otkloniti eventualni nedostaci i kvarovi, prije nego nastane veća šteta ili opasnost za ljude.

### POSEBNE NAPOMENE KORISNICIMA PRIRODNOG GASA

Za vrijeme dužeg odsustva (god.odmor i slično) obavezno zatvoriti glavni zaporni ventil. Ako se objekat iznajmi drugoj osobi ili firmi, vlasnik je dužan i dalje voditi brigu o gasnoj instalaciji i uređajima ( ili to riješiti ugovorom), a novog korisnika upoznati sa njegovim obavezama. Ako je glavni ventil bio zatvoren duže od 12 mjeseci, vlasnik (korisnik) je dužan pozvati ugovornog izvođača radova na unutrašnjim gasnim instalacijama da ispita gasne instalacije na nepropusnost i da izda potvrdu da su instalacije tehnički ispravne.

### MJERE OPREZA KOD POJAVE MIRISA PRIRODNOG GASA

Kod pojave iznenadnog mirisa gasa prije, tokom ili poslije korištenja gasa, navodimo kako treba postupiti, smireno i bez panike, da bi se zaštitili od nezgoda:

1. ništa ne paliti; ni šibice ni cigarete, ne uključivati rasvjetu, ne dirati utičnice ni prekidače, ne koristiti telefone ni liftove!
2. otvoriti prozore i vrata!
3. zatvoriti zapor - ventil ispred mjerača potrošnje gasa!
4. upozoriti ostale stanare kucanjem a ne električnim zvoncem!
5. obavijestiti nadležne službe, policiju i distributera gasa, ali tek kada ste izvan stana ili zgrade!